

Uorden da scola dalla vischnaunca da Laax

Sebasond sigl art. 50 dalla lescha da scola dil cantun Grischun
dils 26 da november 2000

I. Determinaziuns generalas

Art. 1

La vischnaunca meina ils suandonts tips da scola: tips da scola

1. scoletta
2. scola primara
3. classas pintgas
4. scola reala
5. scola secundara

Art. 2

L'obligaziun dad ir a scola sedrezza tenor las disposiziuns dalla lescha da scola cantunala. obligaziun dad ir a scola

Art. 3

- ¹ Igl onn da scola entscheiva suenter las vacanzas da stad denter miez e fin d'uost e cuoza 38 jamnas effectivas da scola. temps da scola
- ² Ils termins pigl onn da scola e per las vacanzas fixescha il Cussegl da scola cun tscherchar slienziuns regiunalas. Sur Nadal e duront la primavera eis ei da fixar silmeins mintgamai ina jamna da vacanzas. Las vacanzas astgan buca cuzzar in suenter l'auter pli ditg che diesch jamnas.
- ³ Il temps da scola per jamna s'extenda en la scola populara sin tschun dis, da gliendisdis entochen venderdis.

Art. 4

- ¹ Il cussegl da scola fixescha il temps d'instrucziun per di tenor las determinaziuns dalla lescha da scola cantunala. temps d'instrucziun
- ² Il temps d'instrucziun per jamna inclusiv ils roms facultativs sedrezza tenor las determinaziuns dalla lescha da scola cantunala.

Art. 5

- ¹ Per motivs da perstgisa per absenzas valan specialmein: absenzas
 1. malsogna ni accident dil/dalla scolar/a, da confamigliars ni autras personas da referiment che stattan datier; a) motivs da perstgisa

2. mortori d'in confamigliar ni d'ina autra persuna da referiment che stat datier, sepultura da tierparents ni persunas da referiment che stattan datier;
- ² Sch'in motiv da perstgisa ei avon maun, eis ei da comunicar quei immediatamein alla persuna d'instrucziun responsabla.
- ³ En cass d'absenzas da varga tschun dis per motivs da malsogna ni accident digl affon da scola sa la persuna d'instrucziun pre-tender dil representant legal dil scolar in attestat dil miedi per mauns dil Cussegl da scola.
- ⁴ Sche l'instrucziun sto vegnir munchentada per in auter motiv ni per in motiv previsibel, sto la persuna d'instrucziun responsabla vegnir orientada ordavon.
- ⁵ Existan dubis pertuccont in motiv da perstgisa decida il Cussegl da scola definitivamein.

Art. 6

b) congedi

- ¹ Ei sa vegnir concediu congedis da tochen 15 dis da scola per onn.
- ² Damondas da congedi tochen in di san vegnir lubi dalla persuna d'instrucziun, da dus tochen treis dis dalla presidenta/dil president dil Cussegl da scola, e da treis dis e dapli dil Cussegl da scola.
- ³ Decisiuns davart damondas da congedi ein definitivass.
- ⁴ Per lubientschas da congedi da dapli che 15 dis da scola ei igl Uffeci per la scola populara e scoletta responsabels.

Art. 7

c) dis libers

Davart la concessiun dad ulteriurs dis libers, sco per exempel den-ter firaus e fins d'jamna, ni duront occurrenzass regiunalas pli gron-das decida il Cussegl da scola.

Art. 8

attestat,
promozion

La procedura da dar attestats e da promoziun sedrezza tenor las determinaziuns dalla lescha da scola cantunala.

II. Las persunas d'instrucziun

Art. 9

engaschament

- ¹ Las persunas d'instrucziun ein emploiadas dalla vischnaunca.
- ² La relaziun d'engaschament dalla persuna d'instrucziun sebase sin la legislaziun relativa dil cantun entras in contract dil dretg public.

Art.10

Occupaziuns dublas da plazzas da scolasts (jobsharing) san vegnir lubidas dil Cussegl da scola.

occupaziun dubla
da plazzas
da scolasts

Art.11

Las personas d'instrucziun han d'ademplier cunscienziusamein lur obligaziuns surdadas entras la legislaziun da scola. Ellas han aunc las suandontas obligaziuns:

obligaziuns e
cumpetenzas

1. tgirar il contact e la cooperaziun cun ils representants legals diils scolars entras seras da geniturs, uras d'audienza etc.
2. elaborar in preventiv per mieds d'instrucziun per mauns dil Cussegl da scola
3. survegliar il preventiv da classa annual, menar la cassa da classa
4. reglar levs cass da disciplina
5. survegliar ils scolars duront la pausa
6. comunicar irregularitads dil menaschi da scola (uras che crodan ora ni che vegnan stuschadas) al Cussegl da scola.

III. Il Cussegl da scola

Art. 12

- 1 Il Cussegl da scola consista da 5 commembers. El vegn presidiaus dalla presidenta/dil president dil cussegl da scola. Dil remiment seconstituescha el sez.
- 2 Il Cussegl da scola vegn convocaus dalla presidenta/dil president dil Cussegl da scola aschi savens che las fatschentas pretendan ei, ni sch'in commember dil Cussegl da scola pretenda quei.
- 3 Allas sesidas dil Cussegl da scola sa ina persuna d'instrucziun ni ina representantA dallas personas d'instrucziun vegnir envidada cun vusch consultativa. Davart las tractandas eis ei da menar in protocol.
- 4 Il Cussegl da scola pren sias decisziuns per regla cun maun pli, aschilunsch ch'ei vegn buca pretendiu d'in commember scrutini. Elecziuns vegnan fatgas cun scrutini. Tier ina egalitad dallas vuschs dat il president la vusch da tagl senza retrer sia vusch gia dada.

organisaziun

Art. 13

Il Cussegl da scola ei cumpetents da decider, sche silmeins treis commembers ein presents.

cumpetenzas
da decider

Art. 14

- 1 Il Cussegl da scola meina e survegilescha la scola ed el procura per l'execuziun dalla legislaziun cantunala e communal da

obligaziuns e
cumpetenzas

scola. El ademplescha tut las incumbensas sil sector da scola ch'ei'n buca adossadas ad in'otra autoritad ni instanza entras leschas cantunalas ni communalas.

² Ad el cumpetan en special da:

1. reparter ils scolars en las classas ed assignar las classas allas personas d'instrucziun;
2. approbar ils uraris sin proposta dalla magistraglia;
3. decider davart l'assignaziun d'affons cun impediment d'emprender ad ina classa pintga sin fundament d'ina expertisa d'in psicolog da scola, e davart la dimensiun dall'instrucziun;
4. organisar la promoziun linguistica el lungatg d'instrucziun per affons da lungatg jester;
5. organisar las mesiras pedagogicas e terapeuticas ordinadas digl uffeci per secturs specials da scola;
6. decider davart la recepziun d'in scolar en in dieschavel onn da scola;
7. denominar il miedi/la miedia da scola ed il dentist/la dentista da scola, sco era organisar il survetsch medicinal da scola e la tgira da dents per scolars;
8. proponer da cumprar mieds d'instrucziun e d'emprender per mauns dalla instanza communal cumpetenta. Expensas singularas ch'ei'n buca prevedidas tochen agl import da fr. 5000.00 ad onn sa il Cussegl da scola concluder en atgna cumpetenza;
9. approbar occurrenzas da scola e da sport, sco era jamnas da project;
10. engaschar personas d'instrucziun e forzas auxiliaras;
11. dar congedi a personas d'instrucziun per conferenzas, cuors, hospitaziuns d'instrucziun, collaboraziun en cumissiuns da scola e gruppas da lavur, e per activitads ordeifer il survetsch da scola. Congedis tochen 3 dis conceda la presidenta/il president dil Cussegl da scola, per congedis pli liungs ei il Cussegl da scola cumpetents;
12. surdar cumpetenzas ed obligaziuns ch'ei'n adossadas tenor lescha da scola cantunala al cussegl da scola ad organs da scola specials e da relaschar reglaments corrispundents;
13. relaschar in uorden disciplinar;
14. liquidar cass penals tenor la procedura penala dil cantun (procedura penala d'affons), sco era la puniziun per absenzas da scola.

Art. 15

presidenta dil
cussegl da scola

¹ La presidenta/il president dil Cussegl da scola ha en special suandontas obligaziuns e cumpetenzas, el/ella:

1. representa il Cussegl da scola anoviars;
 2. survigilescha:
 - a) l'assignaziun dallas classas da scola all'entschatta da scola tenor ils conclus dil Cussegl da scola;
 - b) igl entir menaschi da scola, en special l'observaziun digl urari e dils temps d'instrucziun;
 3. meina l'inquisiziun en cass disciplinars;
 4. prepara las fatschentas dil Cussegl da scola e procura per l'execuziun dils conclus pri.
- ² La presidenta / il president dil Cussegl da scola pren las mesiras necessarias en cass urgents che cumpetan al Cussegl da scola. Aschilunsche che quei ei pusseivel decida il Cussegl da scola en caussa definitivamein a caschun dalla proxima sesida.

IV. Dretg da recuors

Art. 16

Plogns encunter persunas d'instrucziun ein per regla d'inoltrar en scret al Cussegl da scola.

plogns encunter
persunas
d'instrucziun

Art. 17

Recuors encunter disposiziuns davart la promoziun ni la nunpromoziun ein d'inoltrar dallas persunas directamein pertuccadas enteifer 14 dis agl inspektorat da scola responsabel ed ein da giudicar da quel sunter haver consultau il Cussegl da scola. La decisiun da quel sa vegnir contestada enteifer 14 dis al departament d'educaziun, cultura e protecziun digl ambient.

recuors
a) decisiuns
davart la
promoziun,
resp. la
nunpromoziun

Art. 18

Encunter decisiuns dalla presidenta/dil president dil Cussegl da scola san persunas directamein pertuccadas recuorer enteifer 14 dis al Cussegl da scola.

b) decisiuns dalla
presidenta /dil
president dil
Cussegl da scola

Art. 19

Encunter decisiuns e disposiziuns dil Cussegl da scola en damondas da scola san persunas directamein pertuccadas recuorer enteifer 14 dis dapi la comunicaziun en scret al departament d'educaziun, cultura e protecziun digl ambient, aschilunsch che la lescha da scola cantunala determinescha buc enzatgei cuntrari.

c) decisiuns dil
Cussegl da scola

Art. 20

Encunter decisiuns dil Cussegl da scola ella procedura penala d'affons sa il representant legal ed igl advocat per giuvenils appellar

d) decisiuns ella
procedura
penala d'affons

enteifer 20 dis dapi la communicaziun en scret alla cumissiun dalla dertgira districtuala responsabla sco dertgira per giuvenils.

V. Determinaziun finala

Art. 21

entrada en vigur

Quei uorden da scola entra en vigur cun l'approbaziun entras la radunonza communal e cun il consentiment entras il departament d'educaziun, cultura e protecziun digl ambient. El remplazza igl uorden da scola digl 1. da schaner 1995.

Per il Cussegl da scola

Il president:
A. Cathomas

L'actuara:
E. Coray

Per la vischnaunca

Il president communal:
V. Dermont

Il scarvon:
R.G. Coray

Approbau dil departament d'educaziun, cultura e protecziun digl ambient tenor conclus nr. 534 dils 21 da december 2001.

Il cusseglier guvernativ
C. Lardi